

欽定大清會典事例

欽定大清會典事例卷五

宗人府

授官

補授本府官員
員 挑補侍衛

補授部院各衙門官
挑取十五善射 補

授

注領 補放道府 補放長教長
補放城守尉

恩詔給歷

補授本府官員○雍正二年

諭

朕臨御以來。加恩文武官員。各得升階。而宗室獨無仕進之路。朕欲施恩。予以升階。思之再三。總不可得。如用伊等為大臣等。及侍衛。猶可供朕使令。若用部院。或遇屬下人為大臣。難以行走。勢必致瞻徇情面。若令其應鄉會試。與民人一體掄檢。恐失觀瞻。可否

補用宗人府官員筆帖式之處。爾等傳與宗人府議。奏再宗室內有學優材美者。作何考選之處。亦著議奏。欽此。遵。

旨議定。宗人府理事官。副理事官。王事筆帖式等所辦。議擬功罪稽察俸廩。

玉牒銀庫等事。均關宗室事體。不便盡用宗室管理。應分一半照例用旗人外。其一半用宗室。今先在堂上學習。遇員缺。揀選補用。鎮國輔國奉國將軍。以理事官用。奉恩將軍。宗室佐領。以副理事官用。五六品廕生。以主事用。至閒散宗室內。有

考取一等二等者以筆帖式用。嗣後遇理事官員缺以副理事官升補。副理事官員缺以主事升補。主事員缺以筆帖式升補。其補授理事官副理事官主事均由府擬定正陪奏請引

見補授。○又奏准府屬宗室司官開列出差及較俸升四五品京堂官與部院旗員同。○乾隆二十年奏准在學肄業宗室考列一二等者例以府屬筆帖式補用。嗣後於此內擇其人去得者照部院貼寫筆帖式之例授為宗人府貼寫筆帖式。二三年後如果行走勤慎辦事好者帶領引

見以筆帖式坐補其貼寫之時仍給予在學應得公費不出學生缺○二十九年覆准八旗宗室生齒日繁酌量疏通將宗人府二十員旗缺均改為宗室額缺由宗人府帶領引

見○三十九年覆准嗣後降至從六品者宗人府並無從六品之缺應補用七品筆帖式食六品俸與六品人員一體論俸升選遇有缺出先用應升一人再將改調人員補授○又覆准宗室武職內降級調用者五品以上均照所降之級補用外若降至六品授為四等侍衛五品頂戴食

六品俸。○四十年覆准宗學考中等第學生內增設十二名。共二十四名。在府以效力筆帖式行走。均出學生缺。由府月給公費銀兩。○又奏准襲封宗室將軍內。每旗各揀選二人在府學習行走。○又覆准宗學總管行走滿五年時。該學出具考語報府。有能造就人材辦事去得者。宗人府主事缺出。先用應升之筆帖式。三缺後升用一人。○四十三年

諭朕前降旨將英親王阿濟格子孫均復還黃帶子敘入宗譜。乃推廣

皇祖恩意俾其子孫得列天潢。今據吏部奏稱復入宗室之現任人員俱應一體出缺。以宗人府職官對品改補。固屬遵照定例。但念伊等向列仕籍。原在未復黃帶子之前。若因此而令將現缺全出。候補無期。是朕此次施恩。惟使其宗支奕世蒙庥。而現在職官轉不得同時被澤矣。著加恩將此項改歸宗室之現任京外人員。其本身均留原職。仍與滿洲人員一體升轉。毋庸出缺改補。其現在候補候選人員亦仍以滿洲員缺照舊銓用。其未經出仕之子孫自當仍照宗人府舊例行。○又議准。

王牒幫寫清書之宗學學生議欽以本府效力筆帖式
用○五十三年奏准於本府筆帖式二十四人
內揀選四人作為委署主事○嘉慶二年

諭宗人府奏請將尚未服闋之筆帖式靈椿暫行委署
主事俟二十七月滿後再咨吏部照擬辦理等語所
奏非是滿洲丁憂人員雖有百日滿後當差之例但
遇有升選缺出向不准其保奏況此等微員闔署人
數衆多豈無合例堪保之員何必違例具奏若此例
一開則各衙門從而效尤將來紛紛奏請於行政教
孝之道殊有關礙所奏不准著飭行該衙門另揀合

例之員帶領引見。○四年議准宗人府效力筆帖式缺出先用議敘班二人。次用考取班一人。議敘班內如舊班有人先用舊班一人。再用新班一人。各按議敘班考取班次先後挨次補用。毋庸復加考試。○九年覆准宗學總管五年期滿改為委署主事。○十三年奏准嗣後庶吉士散館改用部屬並捐復原官者俱計算宗人府各部宗室選缺經歷及主事第三缺補用。○十六年覆准嗣後宗人府理事官副理事官經歷主事十六缺均作為一題一選。每項先出一缺題。

升次出一缺選補。輪流閒用筆帖式缺出先用效力筆帖式一人。次用保留廕生一人。再用效力筆帖式一人。次用文舉人。三項輪用。如廕生無人。即補用效力筆帖式二人。○又奏准本府學習行走之宗室世職章京十六員。盡行裁撤。

○道光元年

諭。松霖等奏彈壓移居宗室之員出缺一摺。著松霖等於該營正副族長及正副學長內揀選二員。擬定正陪咨送宗人府帶領引見。候旨補放。○二十年奏准嗣後降至從六品借補七品筆帖式人員。遇有

經歷主事缺出與委署主事一體論俸升選不得仍前越次選用副理事官員外郎○光緒六年奏准刑部滿洲左右翼公缺筆帖式額設各一缺理藩院滿洲左右翼公缺筆帖式額設各二缺

東陵承辦事務衙門滿洲左右翼公缺筆帖式額設各一缺

西陵承辦事務衙門滿洲左右翼公缺筆帖式額設各一缺以上十缺俱撥出作為宗室筆帖式額缺

互見吏部滿洲升補門

補授部院各衙門官員○雍正五年

諭增設宗室監察御史二人。由宗人府在宗室官內揀選引見。令專查宗人府事務。仍與御史同屬都察院統轄。○八年奏准宗室御史轉補六科給事中。仍以給事中稽察府事。○乾隆元年奏准護軍參領驍騎參領等缺。鎮國將軍以下奉恩將軍以上。由府咨送該旗營一併揀選引

見補放。○四十六年

諭向來宗室人員。既不分用各部院。又不便簡用外省道府。其宗人府理事等官。保送御史。止有二缺。轉科

後遺缺。仍用八旗滿洲人員。升途未免稍狹。現在宗室蕃衍。其中不少可用之才。所有宗室御史著於原定二缺之外。俟有滿洲御史缺出時。再行添用宗室二員。連前四員。作為額缺。如有遷轉科員者。其御史員缺。仍以宗室人員補放。至

陵寢辦事衙門司員。俱屬宗室貝勒公等管轄。與部院司員有間。嗣後遇有

陵寢辦事衙門司員。亦可酌改宗室司員。其如何分別補用。應改若干員缺之處。著宗人府會同該部詳悉妥議具奏。欽此。遵

升用。○嘉慶四年

諭向來宗室人員止在宗人府供職升轉科道其途亦屬稍隘嗣後各部司員准以宗室補用其如何酌定額缺之處著吏部會同宗人府議奏欽此遵

旨議定六部理藩院滿洲司員選缺內撥出郎中四缺員外郎八缺主事四缺作為宗室額缺酌定吏部員外郎一缺主事一缺戶部郎中一缺員外郎二缺禮部員外郎一缺主事一缺兵部郎中一缺員外郎一缺刑部郎中一缺員外郎一缺主事一缺工部員外郎一缺主事一缺理藩院

郎中一缺。員外郎一缺。共十六缺。郎中員缺。以副理事官論俸補用。員外郎員缺。以經歷主事論俸補用。主事員缺。以委署主事及兩翼宗學應升總管論俸補用。由宗人府帶領引。

見理事官副理事官經歷主事各一員。俟此次添設十六缺補完日。先行出缺者。作為宗人府題缺。餘俱與各部院宗室司員論俸升用。

東陵

泰陵宗室司員五缺。六年期滿調京者。准以各部院郎中員外郎主事與宗人府理事官一體補用。宗

室御史四缺各部院宗室郎中員外郎遇保送御史時與司員一體保送記名後咨送宗人府遇宗室御史缺出由宗人府與應升人員論俸帶領引

見宗人府理事官開列內閣侍讀學士鴻臚寺少卿列名在各部院郎中之前部院宗室郎中與各司員一體較俸開列京通各倉監督三庫戶工錢局通州坐糧廳及各處稅差三庫檔房等差宗室司員與各衙門一體保送其調庫者照內閣侍讀之例辦理差竣先回原衙門行走遇各

衙門宗室缺出即行坐補

吏部詳

○五年議准宗

室文進士歸班者以滿洲科甲小京官補用宗

室繙譯進士歸班者以內閣公缺中書補用宗

室文舉人以宗人府實缺筆帖式補用

吏部詳

○

八年定宗室人員在部院行走者照部院定例

一體迴避凡迴避人員准其以應補之各衙門

由吏部先行籤掣行走俟有對品選缺由府即

行選補如有由科道迴避人員應以選缺理事

官部院郎中補選

吏部詳

○十三年定宗室文進

士繙譯進士由吏部籤分本府及各部以主事

額外學習行走者。三年期滿由該管堂官出具
考語奏留。照例補用。○十七年奏准嗣後如遇
宗室御史缺出。每缺將記名以御史用之部院
宗室郎中員外郎論俸各帶一員。與府屬應升
之司員一人。均按照底俸排列引

見簡放。如記名人員內郎中無人。即以員外郎二人
與府屬應升之員帶領。員外郎無人。即以郎中
二人。與府屬應升之員帶領。僅記名人員止賸
一人。仍將記名之人。與府屬應升之司員內揀
選一人。論俸引

見補用。俟記名人數用竣。再遇宗室御史缺出。即於府屬理事官。副理事官內。揀選二員。擬定正陪。帶領引。

見補用。○道光五年

諭盛京移居宗室多未諳習事體。向由族學長升補營主事。三年期滿。即調京缺。未免過優。難資歷練。轉礙京員升途。嗣後著定立年限。營主事年滿。先令盛京五部主事上行走。年滿果能勝任。再行給咨引見。仍按其次序調轉。其不勝任者。即奏明黜革。

謹案族學長升補營

主事籤分盛京五部主事以
及調補京缺主事俱三年期限○又

諭嗣後京察一等之宗室理事官各部院宗室郎中引見圈出後著准其一體復帶引見候朕酌量錄用其副理事官等員仍照舊例辦理如有不稱職之員亦著隨時甄別○又定太常寺額設宗室贊禮郎二缺學習贊禮郎二缺○又定鑾儀衛額設宗室冠軍使一缺雲麾使二缺治儀正四缺整儀尉四缺○八年奏准理事官照宗室郎中例以通政使司副使大理寺少卿太常寺少卿鴻臚寺卿太僕寺少卿內閣侍讀學士左右春坊庶子通政使司參議光祿寺少卿鴻臚寺少卿各道監

察御史升用

謹案通政使司副使大理寺少卿太常寺少卿鴻臚寺少卿先儘一等人員

鄉專用一等人員內閣侍讀學士通政使司參議光祿寺少卿鴻臚寺少卿先儘一等人員

○十九年奏准由

盛京五部主事調補京缺主事人員遇有員外郎缺出按該員補授宗室營主事之日起論俸與在京人員一體選升其補授族長所食之俸不得籠統計算○咸豐七年議准副理事官宗室員外郎如京察一等引

見蒙

恩圈出者准該堂官再行出具切實考語復帶引

見候

旨錄用其記名人員遇有應升之缺與未經記名人員一體揀選擬定正陪補放不准作為插班截補其經歷主事委署主事筆帖式向不復帶引見仍照舊章辦理○又議准宗人府副理事官題選理事官各部宗室員外郎選升本部郎中准其合併計俸其餘由別衙門選補者均自升授理事官郎中之日起扣滿六年方准帶領引

見○光緒三年

諭宗人府奏接准吏部文稱宗室應升補京堂人員

嗣後遇有京堂缺出。專俟輪用郎中班時。列入各衙門保送人員之先。開列帶領引見。如輪用三卿及科道各班時。不准一體列入。宗室升途無多。未免更形壅滯等語。宗人府理事官副理事官及各部院宗室郎中員外郎等員。因京察一等奉旨以四五品京堂用者。遇有京堂缺出。向由吏部咨取。無論何項班次。均開列帶領引見。嗣後此項宗室應行升補京堂人員。遇有京堂缺出。著仍照向章辦理。○四年議准。

盛京戶部添設郎中一缺。定為題缺。由員外郎內

揀選擬定正陪兵部添設員外郎一缺定為選缺由原設宗室營主事並添設主事內論俸擬定正陪選補刑部添設員外郎一缺定為題缺亦由宗室營主事並添設主事內揀選擬定正陪以上題缺由該將軍會同該部侍郎秉公遴選擬定正陪其選缺亦由該將軍會同該部侍郎論俸選補禮工二部各添設主事一缺均作為題缺由該將軍會同該部侍郎於宗室正管長族長內揀選擬定正陪以上各員均由該將軍給咨送京由府帶領引

見補放如遇京察之年當差勤慎稱職者與

盛京司員一體保列一等惟不得調補在京宗室司員之缺○五年議准

盛京禮工二部各添設主事一缺於宗室正管長族長四員內揀選作為舊居宗室專缺原設宗室營主事二缺例由該營正副族學長四員內揀選作為移居宗室專缺一同選題員外郎公缺將來年滿如無員外郎缺出在任聽候選題毋庸調補京缺

挑補侍衛○康熙三十七年

諭

近日朕傳集諸王及閒散宗室。於景山校射者。將以勸懲賢否也。及試以射。善射者頗多。朕心甚悅。其有品秩之宗室。俱為王府護衛官職。有遷轉之階。惟閒散宗室。雖有幹濟之才。亦無路上進。兆姓中凡有才者。尚選擇錄用。而朕宗室中之材幹者。不獲登用。良可惜也。爾衙門將宗室中材力壯健。長於騎射者。詳查奏聞。朕將授為關廷侍衛職官。視其效力。若材力果優。勤於供職。即授以參領副都統職任。安於庸劣者。方罷斥之。家貧無力者。一併查奏。朕將籌其生計焉。○雍正七年議准。宗室侍衛共設九十人。併入三

旗隨班行走。此內一等侍衛九人。二等侍衛十八人。餘皆三等侍衛。由府會同領侍衛內大臣揀選引。

見補授侍衛什長。即於宗室侍衛內補授。其職事仍隸領侍衛內大臣。○乾隆元年奉

旨。諸伯叔之子孫內應封者。例應晉封。若未及封者。不派一差使行走。閒散度日。終致廢棄。甚屬可惜。從前近派宗室子孫原有在侍衛章京等差使上行走之例。著將諸伯叔之子孫除應封外。其餘如何在侍衛章京上行走。永著為例之處。著宗人府莊親王果親

王會同分別遠近酌定議奏欽此遵

旨議准嗣後近支宗室內年及十八歲由府揀選人去
得者帶領引

見授為幾等侍衛之處恭候

欽定其升用參領及護軍參領等缺由侍衛處咨送
與旗人一體揀選帶領引

見補授○十一年奉

旨近派宗室挑取侍衛由宗人府具奏不在宗室侍衛
額內然領侍衛內大臣處遇有宗室侍衛缺出仍將
伊等坐補伊等皆係侍衛差使上行走理宜畫一辦

理嗣後挑取侍衛時。著宗人府會同領侍衛內大臣。公同揀選。其應挑取之年。已及歲近。派宗室等。另為一班。排列於前。宗人府王公與領侍衛內大臣等。一同帶領引見。○嘉慶十一年

諭聞散宗室永志。因伊親戚領催承祥。於去年屢次懇給民船執照。極力拒絕不從。適聞承祥指永志包衣名色。給予民船執照情節。即據實呈控。看來永志守分遵法。著加恩賞給四等侍衛。在大門上行走。○十四年奉

旨。據弘謙奏謝伊子永康補放奉國將軍摺內。並請賞

給伊子別項差使等語。昨考試應封宗室帶領引見時。將永康補放奉國將軍。即屬施恩賞差。自有朝期差務。何得復請賞差。若再賞給永康侍衛差使。非特恩施重複。且占侍衛員缺。亦屬未便。嗣後凡遇考試應封宗室之年。帶領引見時。觀其有長進者。酌量挑取侍衛。此外不得另行奏請賞差。如再有似此討差者。定行治罪。○二十三年

諭

朕本年臨幸盛京。派王大臣等考驗彼處宗室。其移居宗室康保步射中箭四枝。騎射亦中。著加恩賞給四等侍衛。來京在大門上行走。○道光七年

諭大學士九卿會同宗人府議奏宗室添設額缺一摺

著照所請三等侍衛六十三員內有世職章京不兼侍衛章京什長及不在乾清門上駟院行走者無論係應封軍政時引見賞授之員皆作為額外侍衛所遺三等侍衛員缺暫行存記俟挑選之年揀選補放以足六十三員之數其額外侍衛原食世職章京之俸業經改為額外毋庸另給馬銀豆石以節糜費遇有應升之缺仍准其一體升用其黏竿處三等侍衛原設十五缺嗣後每旗添設二缺共為二十一缺該處每旗撥出二缺作為宗室專缺俟出有二缺後至

第三缺時補放宗室人員俟補足六缺後即為宗室額缺隨時挑取遇有該處升缺仍與十五缺人員一體揀選升用如遇侍衛升等之年著與大門行走者一體揀選軍政年分統計各項侍衛如已逾一百二十員之數即保舉二員僕人數不敷仍保舉一員以昭覈實○又定

上虞備用處額設宗室三等待衛每旗各二缺三旗共六缺○光緒五年定宗室官員因事革職者不准送挑侍衛

挑取十五善射○康熙三十年奉

旨挑取八旗十五善射人等王以下宗室公以上善射者亦准挑取○乾隆三十九年

諭嗣後十五善射缺惟將拜唐阿兵丁及各旗閒散宗室引見挑取至王公大臣侍衛官員內步箭嫻熟者於上三旗內每旗另添設十五缺將下五旗內王公大臣侍衛官員一併引見挑取著為例

補授佐領○雍正二年

諭王府佐領分出之人編設佐領令其兄弟子姪管理尚可若以旗分之人湊集編設佐領令其兄弟子姪管理朕意以為非宜雖係兄弟子姪亦各有定分宗

室等豈可將他人之定分占據乎。凡此等處應行區別。宗室為鎮國將軍等職。乃伊等分內之事。一為佐領。竟成諸王之屬下矣。其宗室覺羅佐領。惟朕可以役使。若在王等門下。以供使令。王等既難自安。且多掣肘之處。理應置之公中。令在上三旗行走。況閒散宗室內。亦有統轄旗分佐領者。王公理宜統轄屬下。閒散宗室豈宜統轄屬下乎。似此者亦應撤出。置之公中。王等果能為國宣力。著有嘉行。朕自將佐領添增。賜給再公等之長輩宗室。陵侮幼輩。擾累伊等屬下之人。視為泛常。公等亦不能相抗。任其所為。其屬

下人等念係本公宗族之長亦不便於首告。或千百之中僅有一二發覺耳。其無辜受累者甚多。伊等行輩雖卑亦係統轄屬下之人。若恃其輩長而陵侮之可乎。擾累其屬下之人又可乎。將此著宗人府一併詳議具奏。○乾隆二十五年奉

旨。宗室等兼包衣佐領年久則皆如包衣佐領人矣。嗣後宗室事務或由宗人府承辦或作何辦理之處著軍機大臣會同宗人府議奏。欽此遵

旨。議准。正紅等旗添設宗室佐領十六員。承辦宗室事務。各給圖記於該旗四五品以上章京官員內。

揀選帶領引

見補放三年期滿無過犯者由府議敘奏請給予紀錄一次○三十三年議准

盛京按翼各添設宗室佐領一人給予圖記缺出該將軍於承祀

盛京

陵寢宗室章京內揀選送府引

見補放三年期滿無過者由該將軍報府議敘○四
十三年奏准新復宗室博爾孫等四支子嗣添
設宗室佐領一員照二十五年添設宗室佐領

之例補放。○道光元年。

盛京宗室佐領缺出。因宗室章京內無可應選者。奏請以副管長補放。○二年。

諭嗣後恩封親王著撥給外旗滿洲佐領六。蒙古佐領三。漢軍佐領三。郡王撥給外旗滿洲佐領四。蒙古佐領二。漢軍佐領二。貝勒撥給外旗滿洲佐領三。蒙古佐領一。漢軍佐領一。貝子撥給外旗滿洲佐領二。蒙古佐領一。奉恩鎮國公。奉恩輔國公。均撥給外旗滿洲佐領一。蒙古佐領一。如恩封王公將來降襲至何爵。即按所降之爵應得之數存留。餘俱裁汰。至不入

八分公即全行裁撤軍功世襲罔替之王公內除綿課已降郡王照擬裁撤外其餘皆毋庸查辦著該部旗等衙門照此辦理以崇體制而昭畫一並著鑲白旗蒙古都統等先於該旗所屬佐領最多之固山貝子祥瑞門上撤出蒙古佐領一補給惇親王屬下以符應得之數其餘應裁應撤者著查明現在浮多人數此時暫緩裁汰俟將來遇有分封王公時再將此項人數陸續裁撤酌量撥給該王公屬下著宗人府一併纂入續修則例永遠遵行○十八年

諭前因各親郡王貝勒貝子公等所屬哈浪阿名數多

寡不齊降旨令宗人府妥議章程具奏茲據該衙門
查明將軍功王公及恩封王公所屬外旗佐領各數
目分別開單呈覽道光二年曾經特降諭旨該衙門
並未隨時查辦以致此次單開恩封王公現有佐領
數目仍復參差不齊自應照數增減以歸畫一至軍
功世襲雖與恩封不同而所屬之哈喇阿亦不可漫
無限制所有軍功單內除輔國公恆明現無滿洲蒙
古佐領崇錫現無蒙古佐領毋庸撥補外其軍功襲
封之各親郡王應有佐領均著照恩封親郡王准給
之數各加外旗滿洲佐領二蒙古佐領一漢軍佐領

一。輔國公應有佐領均著照恩封輔國公准給之數。各加滿洲佐領一。舊有逾額者。查明裁撤。不足額者。即予增添。其恩封單內王公除貝子綿岫。輔國公載寬。向無佐領。毋庸撥補。餘俱著照道光二年所定額數。分別裁撤增添。以符定制。此次軍功恩封各王公名下。裁去各佐領。除現抵應添各處外。著歸各該旗公存。以備將來分封王公時撥給之用。宗人府即將此旨纂入則例。永遠遵行。○光緒元年覆准嗣後盛京宗室佐領缺出。應由該將軍擬定正陪。送京

見以符定制

補放族長教長。○原定宗室覺羅族長教長宗室左翼二十族右翼二十族所設族長各有圖記缺出由府傳集該族揀選補放如遇出差等事報府由府於該族之教長或於該旗合例人員內指出一人代署圖記宗室各族量其人多寡各設教長一二三人不等協理族務缺出由本族揀選補放如宗室生齒繁衍教長不敷管束者由府揀選增設凡不入八分公及宗室章京補放族長教長後由府行文停止該旗差

務覺羅子女首領左翼九員右翼五員各有圖記缺出由府於該旗大臣官員內揀選帶領引見覺羅族長左翼十一人右翼二十九人無圖記缺出該旗將應補人員造冊送府指定咨覆該旗○雍正二年左右兩翼各立宗學一所揀選宗室四人為正教長十六人為副教長宗室子弟願入學者分別教習清漢書讀書之暇演習騎射並月給銀米紙筆等項○九年奏准

盛京宗室覺羅族長缺出將軍於教長中揀選補放教長缺出將軍會同族長於宗室覺羅中擇

諭教訓宗室。雖係朕躬之事。但朕日理萬幾。安得有此暇耶。且宗人府既有族長之職。嗣後務體朕教養宗室之至意。時加稽察。嚴行管束。斷不可怠忽。○二十一年。奏准現在宗室內。雖各設有族長。但並無總族長稽察之人。閒散宗室。不無妄行生事。應於宗室大臣官員內。揀選人明白能管轄者二人引

見授為總族長。專令稽察宗室。兼管各該旗族長。如三年之內。盡心勸導。管束有方者。與族長等各

予紀錄一次。如不能管束。宗室內仍有非分妄為之人。將總族長族長等一併議處。○三十三年奏准。

盛京添設宗室總族長一人。管束宗室覺羅。由將軍於承祀。

盛京

陵寢宗室章京內揀選送府帶領引

見。○三十九年奏准。

盛京按翼各設族長一人。各給圖記於宗學總管副管內補授。○四十年奉

旨。嗣後近派王公等。著每支各放族長一員。教習宗室等滿洲話技藝。此後仍有不用心習學。不會滿洲話者。朕將伊父兄治罪外。將族長等一併治罪。其如何補放族長。如何教習各宗室之處。著軍機大臣會同宗人府詳細定議具奏。欽此。遵。

旨。議准。近支宗室。左翼分為二族。右翼分為四族。各設族長一人。於王貝勒貝子內恭候。

欽點。每族各設學長二人。掌管圖記。呈報一切事件。遇有缺出。該族長於本族宗室內。奏

聞補放。報府備查。○四十一年奉

旨據誠郡王弘暢奏稱遠派宗室族長缺出照例於本
支派揀選難得其人請照補放八旗公中佐領之例
在本旗宗室內官銜大者一併揀放等語弘暢所奏
是族長有管教族人之責理宜揀選人去得能管轄
者補放嗣後遠派族長缺出將本旗宗室內官銜太
者揀選帶領引見補放此內若有不願充補族長於
揀選時託故推諉者即行叅奏治罪其現在閒散宗
室族長著交該衙門查明即照此例更換大員補放

欽此遵

旨議准學長仍照舊制無論官員閒散能管轄者由府

揀選補放總族長缺出按翼三品以上大臣官員內揀選族長缺出按旗三品以下官員內揀選帶領引

見補放○四十九年奏准兼教長之鎮國公教長任內三年期滿照一等鎮國將軍兼教長議敘之例給予紀錄一次○嘉慶十二年議准遠派宗室總族長之缺將遠派王公及現任一二品宗室大臣職名按翼開單

欽派族長之缺均於五品以上宗室侍衛章京內按旗揀選引

見至總族長原有關防。既以王公大員補放。毋庸給予。○十六年奏准宗室總族長缺出。如王公大員不敷開列補放。即按翼在遠支鎮國將軍輔國將軍內。由府揀選。奏准補放。○十七年議准正藍旗遠派宗室十三族。僅止總族長二人。酌量各族人數多寡。添派二人。令現任總族長二人○十八年

人管理第五族至第十三族
令現添派之總族長二人管理

○十八年

諭宗室生齒日繁。其中不安本分者。酗酒鬪毆。時有其事。在本人自應按律懲治。而該管之族長學長。及宗人府王公等。不論事之重輕。紛紛具摺奏請處分。平

時不加管束。有事但請處分。徒令羣干吏議。反長刁風。於教化毫無實效。著自此次為始。凡宗室人員。獲有罪愆。該宗令及族長學長等。先毋庸奏請交議。俟案經審明。如其人罪在流罪以上者。承審衙門於定擬具奏時。摺內將失於管束各員。按其輕重。分別議處。察議具奏。請旨著為令。○二十年定。

盛京宗室營額設正副學長各一缺。由該省將軍於移居宗室內挑補報府。○又定。

盛京宗室營正副族長均食八品俸銀。學長仍食

原餉。○道光五年

諭族長有約束教導之責。必須諳練事體。方於族務有裨。嗣後著仍由該族內世職章京與現任職官。無論品級。秉公揀選。帶領引見。僅該族現無官員。則以別族之員。揀選暫署。俟本族升有職官。再行引見補放。其學長缺。仍由宗人府照例挑補。○六年

諭嗣後宗室覺羅遇有族長學長及

太廟獻爵各項缺出。應選之人。如有事故。限五日內呈報。逾限不到。又不呈明事由。著將該宗室扣罰餉銀。仍將該族長嚴叅重處。至因案傳訊。擅不到案。定案後。除伊案內應得罪名外。分別罰餉加責。並將族長

學長分別輕重記過題叅。其實係患病由族長學長結報。即派司員查驗具結存案。病痊赴審。稍有不實。惟查驗之員是問。著宗人府即將此旨通諭各族長學長一體欽遵。仍纂入則例永遠遵行。○二十年奏准。

盛京添設學長四員。隨同族長分旗管理族務。由該將軍於該省八旗宗室內挑補。咨府註冊。仍食原餉。一年無過。每員

賞銀十五兩。○又

諭。嗣後除從前移居宗室。應照舊例充當族學長升任

主事外。其自嘉慶二十年以後。各項作為移居宗室之人。均不准挑補族學長升補主事。若從前移居宗室。戶口無多。不敷升用。其該營內彈壓移居宗室主事之缺。並正副族學長之缺。均著以盛京久居宗室充當。即由該將軍揀選。照例補放。

恩詔給廕。○恭遇

恩詔。自入八分公至閒散宗室。凡用為大臣侍衛者。得依品級加封。自不入八分公。鎮國輔國將軍。及宗室一二品官。准送一子入監讀書。均與文武官同。○康熙五十二年題准。恭遇

萬壽恩詔不入八分公以下。鎮國將軍。輔國將軍。及宗室內為一二品大臣者。俱准給廕生。其廕生入監讀書之後。即令隨旗行走。○嘉慶六年

諭八旗大員廕生。年已及歲者。俱由各該旗咨報吏部帶領引見。分別錄用。惟宗室廕生。向無引見之例。朕思自前年以來。六部各衙門已定有宗室額缺。並准宗室子弟應鄉會試。以廣登進之路。則宗室廕生。自宜一體任用。所有嘉慶元年宗室廕生。俱著加恩交宗人府查明。於及歲時。送吏部帶領引見。候朕分別錄用。以示錫類推恩至意。○又奏准宗室廕生。以主

事用者。照滿洲廕生之例。掣分各部行走。以七品筆帖式用者。即補授宗人府七品筆帖式。以八品筆帖式用者。本府向未定有八品額缺。應照各衙門之例。授為八品筆帖式。仍與七品各員。照原題先後敘補。○二十五年定。年未及歲之世職。准食半俸。停其給廕。○道光四年

諭。向來宗室廕生未及歲者。俱不戴用四品頂戴。與滿漢廕生未能盡一。嗣後宗室內如有恩廕人員。無論年已未及歲者。俱著加恩一體戴用四品頂戴。○同

治元年

諭宗人府奏。恩詔內應行查辦廕生品級。請旨遵行等語。不入八分公以下。鎮國將軍。輔國將軍。及宗室內。為一二品大臣者。均准給廕。會典所載。例有明文。不入八分公嫡出子。與鎮國將軍嫡出子。均係應封輔國將軍品級。亦屬相等。惟不入八分公子弟。該衙門應廕品級。溯查道光元年。咸豐元年。兩次查辦廕生。均無辦給成案。亦無因何不行給予明文。此次辦理恩廕。若不一體給予。未免向隅。所有不入八分公子弟。著准其按照鎮國將軍應廕品級。給予七品廕生。以昭平允。此旨並著纂入宗人府則例。永遠遵行。

補放道府。○原定宗人府理事官各部院宗室郎中及三庫宗室郎中遇有保列一等者由吏部帶領引

見奉

硃筆圈出由該堂官出具切實考語復帶如再記名遇有應升之缺題奏俱補放京卿其副理事官及宗室員外郎得膺保列一等雖奉

旨圈出向不復帶引

見僅以應升之缺儘先補用並無別項升途從未簡

放外任

詳見本門補授部院各衙門官員條內

○嘉慶四年

諭。向來宗人府京察一等人員。從未簡放外任。本年降旨。令宗室等一體選用六部司員。經吏部議奏。宗室保列京察一等者。應否外用。候朕欽定。朕思宗室人員。向不簡放外任之故。以身為宗室。未便復行參謁跪拜之禮。用存體制。又恐其自恃天潢一派。蔑視上司。設有不知檢束者。營私獲罪。轉多礙難辦理之處。嗣後宗室人員。自應仍照向例。毋庸補放外任。此次保送道府。宗人府不必保送。○咸豐七年。宗人府奏請將宗室升途推廣。並聲明分別支派遠近。如何錄用。奉

諭天潢繁衍。若不酌與升階。何以觀其造就。著依議辦。理會同該部另行妥議章程具奏。我宗室中才明識練者。固不乏人。而一二不肖者。以身試法。深為痛憾。經朕如此加恩。或罔知悛悔。必應從嚴懲辦。毋妄希朕意為也。欽此遵。

旨議准。嗣後宗室人員。無論理事官。郎中。副理事官員。外郎。遇有保列一等奉。

硃筆圈出者。即由該堂官再行出具切實考語一體復帶引。

見如再蒙

恩記名即按覺羅八旗官員之例以道府恭候簡放如未經

記名者俟再復帶時仍准照例保送至宗室科道人
員如有保列一等者一律辦理○又議准嗣後
無論理事官副理事官各部院郎中員外郎戶
部三庫宗室郎中員外郎科道給事中御史等
官統以本衙門五品任內合計六年俸滿由該
堂官出具考語咨送吏部帶領引

見請

旨分別內用外用如以道府用者即由吏部知照軍

機處按照一等記名人員。並將宗室俸滿人員。另繕一單進呈。恭候。

簡放。○又議准嗣後現任宗人府理事官。副理事官。經歷。主事各部院郎中。員外郎。主事等官。必須已歷京察者。方准報捐道府。其未經食俸之候補人員。並應封宗室世職章京。俱不准報捐外任。至經歷主事以上各官。無論俸滿如曾經犯過贓私案件。一概不准報捐。○又議准宗室外任人員。若在同省。照吏部定例內載。雖係同住京城。而旗分各別。又出五服之外者。毋庸迴避。

其五服以內凡有關係刑名錢穀考覈糾參者如係同族俱令官小者迴避。○又議准宗室道府降調未便降補州縣佐貳以下等官按級仍以宗室京員降補惟郎中員外郎係道府對品內補之官並非降等不得以因過議降之員仍准補用如道員降四級知府降三級以經歷主事註冊如道員降二級知府降一級應至正五品者除以經歷主事註冊外仍帶所餘之級食正五品俸其餘仿此至道府降等補用仍帶餘級註冊食俸之員如續有前任處分到部查係

應降至本職以下者。即按級遞降。如應降至本職者。即銷去從前所餘之級。仍留本職。其餘均照吏部旗員定例辦理。○又議准宗室道府應降京員。降至七品筆帖式止。如應降至八品九品者。即無官可補。照宗人府官員處分本例聲明革任。○又議准宗室道府遇有虧空錢糧分賠查抵監追及承審株連枉坐重大案情。例應革職擬罪者。由宗人府會同戶刑二部覈覆。知照吏部辦理。○又議准宗室道府降革後。呈請捐復原官者。由部查覈案情。分別准駁。如請捐

京職由宗人府覈辦○又議准宗室官員准補道府一經

記名宗人府即將該員支派旗分族分履歷男女三代姓氏年歲存歿並任內加級紀錄降革叅罰等案開送吏部續有事故隨時知照如有老親照覺羅人員一律辦理○又議准滿洲蒙古道府丁憂回旗百日孝滿在原衙門行走者不必三年服闋於每年十月吏部查明帶領引

見恭候

欽定今宗室補授道府如由現任丁憂回旗亦照旗

員辦理。又議准宗室人員升任道府一切由吏部比照覺羅人員之例辦理。如由外任降至京職一切仍由宗人府查照宗室向例辦理。其領咨到部人員吏部即將該員應得階級知照宗人府按班銓補。又議准宗室保送道府必須分別支派遠近現在自

高宗純皇帝位下之宗室均為最近支派未便補用外任仍照舊例辦理其餘各旗無分遠支近支宗室支派較遠均照覺羅一體外用嗣後宗室內有應送道府者由該管官先行咨查宗人府覈

其支派實係應送者方准保送

補放城守尉○原定

興京復州岫巖鳳凰城開原遼陽金州城守尉缺
出直年旗於頭等侍衛八旗前鋒參領護軍參
領宗室人員內揀選二三員帶領引

見補放○乾隆四十九年

諭

昨據直年旗帶領應補山西太原城守尉人員引見
二人皆係宗室朕已將擬正之宗室安慶補授矣晉
豫二省城守尉皆屬該巡撫所轄如係宗室遇滿洲
巡撫管轄尚可若為漢大臣所屬與體制不合新授

城守尉宗室安慶頗可造就著與復州城守尉永明對調並交永瑋善為指教安慶辦事其右衛城守尉常慶亦係宗室著與岫巖城城守尉鼎圖對調令鼎圖先赴右衛更換常慶莊浪城守尉額勒恆額亦係宗室俟盛京所屬各處城守尉缺出即行更調嗣後除東三省外直隸各省城守尉缺出不必以宗室補授著永遠為例○五十四年

諭

從前各省城守尉員缺並將宗室一體補放城守尉一官皆受督撫節制身係宗室受滿洲大臣節制尚可若受漢大臣節制於體制不協是以各直省城守

尉員缺。停用宗室。但念宗室於外省文職道府等官。武職綠營官員。俱不選用。而各省城守尉員缺。又不補放宗室。伊等升途未免過少。著加恩嗣後所有盛京城守尉員缺。皆以宗室補放。現在藍帶人員。暫且毋庸更調。俟缺出時。再將宗室等揀選。帶領引見補放。○嘉慶十一年

諭盛京各城守尉同在一省。或係父子叔姪兄弟。或係至親。若遇會辦事件。究屬有礙。如金州城守尉惠甯之子煥明。即係遼陽城守尉。理應令其子迴避。但惠甯年老。步履維艱。昨已降旨開缺留京。授為頭等待

衛著交兵部查明。若城守尉例應迴避。彼時直年旗王大臣等辦理錯誤。即將該王大臣等叅奏。即向無迴避之例。宗室中合例之人甚多。惠甯係金州城守尉。而直年旗復將伊子率行揀選。遼陽城守尉帶領引見。漫不經心。殊屬疏忽。著申飭嗣後同省城守尉著照別項官員一體迴避。著為令。○咸豐七年議准。

除

盛京各城城守尉員缺。向用宗室人員。及專用內務府人員。毋庸另議。外。向例德州城守尉係兩黃旗缺。滄州城守尉係兩白旗缺。保定城守尉。

係兩紅旗缺。太原城守尉係兩藍旗缺。缺出時各按旗分正鑲兩旗互相擬定正陪引。

見補放。係屬兩缺一輪。今此四處每遇缺出。用本旗兩缺後。加用宗室一缺。以三缺為一輪。惟宗室人員額缺較少。恐不敷揀選。毋庸分旗輪用時。統以三品宗室合例應升人員內揀選帶領引見。其呼蘭右衛莊浪河南四處城守尉之缺。向係各旗於應升人員內公同揀選。今將宗室應升人員歸於各旗應升人員內一體揀選。帶領引見補放。○又議准宗室保送各省城守尉必須分別

支派遠近

與補放
道府同

○光緒二年議准嗣後

盛京所屬各處城守尉仍由直年旗查照定例於
宗室中揀選諳練政事之員帶領引

見補放

欽定大清會典事例卷六

宗人府

優恤

養贍銀米
表節孝

紅白事件
宗室移居

御賞
宗室居住外城

養贍銀米○康熙九年

諭宗室中除大罪革職人員外。閒散宗室子弟年十八歲以上。及無父之子。俱照披甲例。給以銀米養贍。○

十年定。閒散宗室年二十以上。每月給養贍銀三兩。每歲給米四十五斛。無父幼子。亦照此數。其有殘疾不能行走者。月給銀二兩。每歲給米四十二斛二斗。閒散覺羅年及十八歲。由該旗

報府查明。每月給養贍銀二兩。每歲給米二十石二斗。無父幼子。亦照此數。○又定。宗室已故。遺有一子。不待及歲。准給養贍。如無子。准將近族之子。過繼為子。亦不待及歲。給予養贍。○又定。宗室官員革職者。准給予終養銀。○雍正十二年議准。覺羅孀婦無嗣。過繼近族子弟為嗣。守節者。准將繼子照孤子例。給予不俟歲滿錢糧。繼子至食錢糧年歲。不得另指一人行領錢糧。孀婦故後。其繼子除已及歲者。准食錢糧外。未及歲者。即行停止。○又奏准。以罪革職圈

禁覺羅官員。及閒散覺羅。不准給予錢糧。此內
若甚屬貧乏。該族長等具保奏請。將一子照孤
子例。給予錢糧銀米。○乾隆五年奏准。學生未
食本身錢糧者。於公費銀二兩外。每月再給銀
一兩。至食本身錢糧時停止。○十一年議准。閒
散宗室。除月給養贍銀米外。其子弟至十歲。亦
給養贍銀二兩。○又議准。每歲季冬月發庫銀
萬兩。分賚八旗閒散宗室。現今查出宗室內家
貧無產業者二百餘人。將本年

恩賞銀萬兩內。以八千兩先給甚貧之宗室四十人。

每人二百兩。各交族長教長等。代置房地。報府存案。不許典賣。其餘無業宗室。於次年以後。每年以四十人為率。陸續代置房產。俾五六年間。皆得漸次立業。其餘銀二千兩。留作獎賞之用。查有平素守分。留心國語及武藝者。均分散給。若不安本分。侈費妄為者。不准給。其現在查出之二百餘人。無論已給產業。及未給產業。如武藝優嫻。國語好。均准入於獎賞之例。嗣後由府每年彙奏一次。俟皆立產業之後。每年以銀八千兩。合計應得賞給之八旗閒散宗室。均分散

給其獎賞銀二千兩。照例將宗室內有志上進。武藝優嫻。國語好者。均分賞給。至宗室內安分之人。猝遇意外事故。致失產業者。本年賞賜之時。量其家產。亦於

恩賞銀內酌量撥給。俾得復完舊業。○又議准五旗諸王除期服至近之親。各相敦睦外。其大功小功及總麻之宗室。如平日守分循理。有志上進。而生計過艱。或遇事故者。令諸王酌量周濟。至貝勒貝子公等。亦各量其力之所能。以恤近族宗室。如貧乏宗室。有不循分。不知足。肆意需索。

雖濟無益者。不准周恤。每年令族長教長。於年終報府存案。○又議准。宗室官員。照旗員例。借給滋生銀。○又議准。宗室覺羅內。有升授

陵寢地方及

盛京等處官員。非外省可比。且向食單俸。其隨任子弟。准照在京之例。支領錢糧。凡遇婚喪事故。照例給予

恩賞銀。隨往各省任所者。停其支領。○十三年奏准。王公亦准借給庫銀。諸王准借三千兩。貝勒千五百兩。貝子一千兩。公五百兩。○二十一年奏

准

恩賞銀一萬兩。除立產銀八千兩外。其餘銀二千兩。
內。衙門行走。效力筆帖式十二人。各

賞銀三十兩。應議敘無品級族長等。

恩賞半年錢糧。抵紀錄一次。

四十年奉准。間蒙宗室。不准。兼充族長。俱換。

大○二十七年議准。停止宗室官員借支滋生

銀兩。由戶部撥銀三十萬兩。並本府餘存滋生

銀二十萬兩。共五十萬兩。內分三十萬兩。交兩

淮鹽政生息。解交戶部。以備宗室覺羅

恩賞之用。○二十九年奏准。發往

盛京宗室覺羅。給予半分錢糧。充當苦差。○三十年奏准。每年

恩賞銀一萬兩內。撥出八千兩。除現任王公子孫。及一二品大臣將軍三品堂官。有養廉隨甲之參領護軍參領等不給外。其無養廉隨甲三品以下侍衛將軍應封宗室閒散宗室等。酌為兩班。每年輪流。

恩賞一班。其餘二千兩。作為本府官員等養廉銀。及筆帖式效力筆帖式公費之用。○三十二年定。奉恩將軍無嗣者。既已不准承襲。其妻孀居身。

在時。仍賞食半俸。○三十九年奏准。宗室等如遇被火之事。其被火房屋。每間賞銀五兩。如別無產業。實係貧窘者。該族長報府派員驗實。每間賞銀十兩。○四十年奏准。現任王公之子。不准給予錢糧。○又奏准。緣事革退宗室將軍等。照殘疾宗室例。給予二兩錢糧。○四十八年奏准。奉恩將軍嫡妻所生之子。年及二十歲者。停止考試五品頂戴。照例給食錢糧。○五十五年奉旨。年未及歲。未襲爵之宗室王貝勒貝子公等。向來俱不支俸米。但未襲爵以前。雖有藍甲養贍。究不能徧

給所屬著加恩嗣後年未及歲應襲宗室王貝勒貝子公等之嫡子俱按其所襲爵秩應得俸米減半賞給以示朕加惠宗室之意。嘉慶十八年議准發往吉林黑龍江及伊犁等處宗室覺羅照發往

盛京宗室覺羅之例給予半分錢糧。二十二年

諭除宗室覺羅嫡婦親子繼子仍照向例不待及歲給予養贍外其宗室嫡婦無子可繼者著每月給予二兩養贍銀米無伯叔兄弟之孤女著每月給予養贍銀一兩五錢覺羅嫡婦無子可繼者著每月給予一兩五錢養贍銀米無伯叔兄弟之孤女著每月給予

養贍銀一兩。○又議准宗室孀婦無子可繼者由該族長學長等取具保結報府。每季支米五石三斗。覺羅孀婦無子可繼者由該佐領等取具保結報旗。由旗咨府。每歲支稔米一石六斗。如過繼有子即行裁汰。宗室無伯叔兄弟之孤女。每季給米三石九斗七升五合。覺羅無伯叔兄弟之孤女。每歲給稔米一石六斗。出嫁後即行裁汰。○道光元年奏准折圍之覺羅期滿釋放後照折圍之宗室例。一律辦給養贍錢糧。○三年

諭儀親王之子貝勒綿志著於每年俸銀二千五百兩

之外加賞銀一千兩。四年

諭儀親王前因興修墳園請借王俸六年。曾降旨借給王俸六萬兩。自道光元年秋季為始按年坐扣一半。現已坐扣三年。惟念扣數較多。日用未免支絀。著加恩寬免三年。其餘應繳銀三萬兩。仍再展限六年。按年坐扣俸銀二千兩。俾資用益臻寬裕。五年

諭朕伯儀親王於本月十五日八十壽辰。除屆期另行頒賞外。所有前借王俸未扣銀二萬八千兩著全免扣繳。又議准獲罪發遣宗室覺羅之妻女無依而
又無子可繼者。宗室妻每月給二兩養贍銀米。

女給一兩五錢銀米。覺羅妻每月給一兩五錢
養贍銀米。女給一兩銀米。俟犯罪之人

赦回。即行裁汰。○八年

諭。朕伯儀親王年已八旬有三。著加恩於應得王俸之數。
每年加賞俸銀五千兩。以示朕親親敬長之至意。○又
諭。向例親王郡王年未及歲。止准支食半俸。惠郡王綿
愉現係內廷行走。並在上書房讀書。著加恩自明年
春季為始。賞給郡王全俸。○又

諭。前據奕顥奏。主祭宗室當差拮据。請給月銀八兩。養
贍地五頃。以資用度。當降旨令該將軍將應賞入官

地畝查明究有若干。茲據詳查覆奏。此項入官徵租地畝。儘有贏餘。該宗室福嵩阿等六員。祇承祀典以來。生齒日繁。所得俸銀地租。不敷用度。自應量加體恤。著加恩將主祭宗室奉恩將軍福嵩阿吉泰宜里布那當阿景平哈格等六員。各於入官租地項下。加賞地八頃。令其自行招佃取租。免交官租。以資當差。毋庸再行賞給津貼月銀。此項賞給地畝。即作為主祭宗室公產。不准私自典賣。十一年議定。嗣後八旗宗室覺羅。如有犯罪永遠圈禁者。又無親丁。其母其妻並其子嗣。有未食歲滿三兩錢糧者。

准給養贍錢糧一分。若罪犯軍流徒遣。照例折
團至二年者。亦准辦給一分。釋放後即行裁撤。
其罪犯軍流。照例折團一年至二年以內者。無
論有無親丁。其母其妻。概不准給。○二十年議
定。宗室婦女罪犯發遣者。照發遣宗室例。給予
半分養贍錢糧。○二十三年奏准。宗室年至十
五歲。准給二兩錢糧。覺羅年至二十歲。准給銀
米。

盛京宗室覺羅一體照給。○二十四年議定。如孀
婦子媳俱故。其嫡孫業已食餉。即可養贍祖母。

毋庸辦給孀婦錢糧。○三十年奉

旨。瑞郡王奕誌現無子嗣。伊母瑞懷親王福晉著賞給郡王半俸。以資養贍。○咸豐三年奏准。瑞懷親王福晉薨逝。所食郡王半俸。

賞給瑞敏郡王福晉。○六年奏准。發遣宗室覺羅其子嗣無罪。情願隨往者。及歲時。仍按月給予全分錢糧。若係有罪者。每月亦給予半分錢糧。以資養贍。均由該將軍等自行籌辦。○十年奉

旨。瑞敏郡王奕誌之承嗣子載漪著封為貝勒。並加恩支食半俸。其瑞敏郡王福晉原食半俸。仍著支領。○

十一年。欽奉

母后皇太后

聖母皇太后懿旨。恭親王奕訢著賞食親王雙俸。○同治元年奏准宗室覺羅妾室。其夫與子俱故。現無正室。無論妾室幾人。查其曾經生有子女。姓氏入檔在前者。照宗室覺羅孀婦。給予養贍錢糧一分。俟過繼有子。請食錢糧時。即將其孀婦錢糧裁撤。並未生有子女。或有正室現存。及有嫡庶子孫者。均不准給。○七年

諭。鍾郡王福晉著加恩賞給郡王半俸。以資養贍。○十年

諭奉恩鎮國公奕詢夫人加恩賞食鎮國公半俸。又議定。如有婆媳均請孀婦錢糧者。止准辦給一分。光緒二年議定。如承祧兩房之宗室。本生父尚在。不准給予不俟歲滿錢糧。其承繼之母。准給孀婦錢糧一分。三年。

諭孚郡王福晉著加恩賞給郡王半俸。以資養贍。十年。欽奉。

懿旨。本年五旬萬壽。推恩之典。首重親親。恭親王奕訢之子不入八分輔國公載潢。著加恩賞食全俸。醇親王奕譞之子不入八分輔國公載灃。著加恩賞食全

俸親王銜惠郡王奕詳著加恩賞食親王俸貝勒載漪載瀅著加恩各賞銀一千兩由內發給。十一年諭貝勒載瀅夫人著加恩賞給貝勒半俸以資養贍。

十六年

諭本年朕二旬慶辰特錫恩綸貝勒載瀛著賞銀一千兩載澍著賞銀一千兩載潤著賞銀五百兩貝子溥倫著賞銀五百兩輔國公載澤不入八分輔國公載瀾鎮國將軍載瀛載津著各賞銀一千兩鎮國將軍溥侗載濟著各賞銀五百兩。二十年

欽奉

慈禧端佑康頤昭豫莊誠壽恭欽獻皇太后懿旨。本年
予六旬慶辰。允宜特沛恩綸。順承郡王訥勒赫著每
年加賞銀二千兩。御前大臣克勤郡王晉祺著每年
加賞銀二千兩。軍機大臣禮親王世鐸著賞食親王
雙俸。乾清門行走不入八分輔國公載瀾著賞食鎮
國公俸。又欽奉

懿旨。醇賢親王福晉著每年著加賞銀三千兩。又欽奉
懿旨。榮壽固倫公主著賞食固倫公主雙俸。又欽奉
懿旨。孚敬郡王福晉著每年加賞銀五百兩。惠敬郡王
福晉著每年加賞銀三百兩。貝勒載澂夫人著賞食

貝勒全倬鎮國公奕詢夫人著賞食鎮國公全倬

紅白事件卹賞。康熙三十二年

諭宗室原一本所生理應雍睦矜恤今閒散宗室有甚貧者遇婚喪之事每至稱貸積逋嗣後王以下閒散宗室以上有力者於貧乏宗室著隨分扶助。三十

九年

諭宗室覺羅之女有願與朕撫養者朕為之撫養有女已長成其父母不能遣嫁者朕亦為之遣嫁著查明奏聞。四十一年奏宗室周急銀未限定數請令親王以下至閒散宗室量力多寡限以定數奉

旨。宗室豈可勒令伙助。朕意欲爾衙門照借戶部八年銀例。擇賢能官滋生利息。給宗室婚喪之費。著即議奏。欽此。遵。

旨。議定。宗室婚喪等事。由戶部支領本銀六萬兩。酌量滋生。所領戶部銀三年中暫停交還。俟第四年並前三年銀陸續交納。至八年全完。所餘利銀數目奏。

聞。仍作本銀滋生。即置庫於府。以待宗室覺羅婚喪之費。於王公及大臣內各。

簡一人總理。以左右司賢能官專司之。○四十三年。

以散賑餘銀五千九百兩有奇。一併交府滋生。

○五十五年定。宗室婚禮給銀百兩。喪禮給銀

百二十兩。

初定婚禮六十兩。喪禮八十兩。是年議增。

○五十八年議准。

恩賞宗室婚喪銀。凡間散宗室及其子孫均准給。間散宗室官至大臣侍衛者。不准給。其已經革職者。仍准給。宗室大臣侍衛之子。未分家者。不准給。其已分家者。係間散宗室亦准給。鎮國將軍以下至奉恩將軍。媵妾所生之子。除正室無出。承受正分家產者。不准給外。其餘未分家者。不給。已分家者。果係間散宗室亦准給。將軍等媵

妾所生之女。父故出嫁。除有承受正分家產之
兄弟。遣嫁外。其餘亦准給。○雍正十三年議准。
閒散宗室。官止七品筆帖式者。遇婚喪事。一例
給領。○乾隆元年議准。覺羅婚禮給銀二十兩。
喪事給銀三十兩。自七品官以下至閒散覺羅。
皆准給予。其由閒散用為侍衛告退者。及六品
官內護軍校。駙騎校。亦准給予。○又定。覺羅除
犯重罪遇

赦不宥者。不准給予外。其犯拘禁數月之罪。已經釋
放。及遇

赦者。皆准給予。

恩賞銀。○五年議准。宗室一二品大臣將軍等身故。其父母後亡。及有女出嫁。係兄弟伯叔及近支子弟承辦者。如承辦之人。未為大臣將軍。照例給領。○六年定。薨故革爵貝子公之子。及現任侍衛五品以下官。遇婚喪事。皆准給。○八年議准。喪事視身故之人。婚嫁視娶妻及遣嫁之人。○照六年定例給領。○十一年議准。薨故革爵之王貝勒。其子孫閒散宗室。及革爵之將軍等。遇婚喪事。皆准給予。已寡之妻。隨子孫同居者。身

故亦准給。二十四年覆准。宗室覺羅遇有婚喪事。除現任王公一二品大臣之子女。革退王公未娶妻十四歲以下宗室十七歲以下覺羅。以及緣事圈禁並在家圈禁均不給。

恩賞銀兩外。其現任王公一二品大臣之孫薨逝革退王公已故革退一二品大臣之子未兼一二品大臣一品以下將軍三品以下官員閒散宗室覺羅以及已娶妻宗室覺羅並十五歲以上宗室十八歲以上覺羅在家圈禁宗室覺羅之女均給予。

恩賞銀兩。宗室覺羅之妻故者。無論伊夫存故。均照伊夫品級給予。宗室覺羅之妻。已生有子孫。夫故後身故者。照伊子孫品級給予。

恩賞銀。又議准。覺羅除現任一二品文武大臣。及一二品大臣之父母子女。不准給予外。其未兼一二品大臣者。皆准給予。

恩賞銀。三十一年覆准。宗室覺羅外任官員。遇有婚喪事。不准給予。

恩賞銀。三十四年。戶部奏。宗人府及八旗官員紅白銀。向由長蘆兩淮鹽商生息銀兩。解部支發。

嗣經奏准交宗人府自辦。現在長蘆解到利銀。應存備為八旗官員紅白賞項奉

諭。此事依議。摺內所稱宗人府紅白銀兩一項。經宗人府奏准。令兩淮鹽政將應交利銀。徑交宗人府。不由戶部轉領。乃宗人府勝臚所奏。而朕失檢點者。戶部為度支總匯。凡銀款出入。自應徑由該部收支。以備稽查。今宗人府需用紅白銀兩。徑由鹽政解交。既於政體未合。且恐其中不無濫弊之處。嗣後兩淮應交宗人府銀兩。著鹽政仍交戶部查收。宗人府按季赴戶部支領轉給。○三十九年奏准。現任王公子孫遇

有婚喪事。不准給予

恩賞銀。四十一年奏准。戶部寄存

恩賞宗室銀十萬兩。內撥出四萬兩。仍交兩淮鹽政
生息。以備宗室覺羅

賞卹之用。又奏准。閒散覺羅。有自幼聘定。另記檔
案人之女者。不准給予

恩賞銀。四十八年議准。宗室覺羅。遇有告假修理
墳塋等事。因病卒於彼處。及卒於中途者。俱給
恩賞銀。又奏准。戶部所存長蘆生息銀兩。

賞卹八旗官員等。餘存項內。撥出五萬兩。仍交兩淮

鹽政生息。以備宗室覺羅。

恩賞之用。五十二年議准。凡宗室覺羅內。有因事休妻。曾經報府者。另娶時。給予

恩賞銀。其未經呈報者。不准給予。五十四年奏准。戶部撥銀五萬兩。仍交兩淮鹽政生息。以備宗室覺羅。

恩賞之用。嘉慶五年

諭。朕本日親臨睿親王溥穎邸第。真醜。見其屋宇窄狹。因詢知尚無塋地。深為憫惻。著加恩於例賞外。由廣儲司庫加賞銀五千兩。為置塋地之費。以示眷注優

卹至意。○道光十一年奉

旨。嗣後凡遇銷檔之婦。其應領卹賞錢糧等項。一概不
准支給。○十四年奏准。嗣後宗室覺羅三娶及休妻
再娶者。不准給賞。至祿糈較優之鎮國將軍。輔
國將軍。外任城守尉。本身妻室子女紅白賞項。
俱予裁減。其曾經犯案折園釋放。本身婚喪事
件。亦應裁減。自溺者。往往託詞失足。一概不准
支領。○二十三年議定。嗣後凡遇覺羅紅白事
件。請領

賞銀食錢糧等事。均由該佐領族長並子女首領等。

各出具保結呈報該旗一面令該佐領子女首領各出具圖結呈報本府俟文到日查覈相符方准給予。咸豐三年

諭宗人府八旗都統奏遵議紅白賞卹分別酌辦各一摺著照所議所有宗室覺羅現任食俸官員本身紅白事暨閒散宗室覺羅紅事賞卹銀並八旗官員紅白事及兵丁紅事賞卹銀均暫行停止其閒散宗室覺羅白事卹銀暫停一半至八旗兵丁白事卹銀仍照舊賞給一俟庫款稍充再行查照舊章辦理。同治七年醇親王奏修理墳塋請借俸銀五萬兩

奉

旨。著加恩由部庫賞給。毋庸扣還。○光緒十四年。欽

奉

慈禧端佑康頤昭豫莊誠皇太后懿旨。醇親王奕譞奏

現居

賜邸為皇帝發祥之所。敬稽

成憲。應否恭繳。請旨遵行等語。醇親王府第為潛邸。應

恪遵雍正二年

成憲。及乾隆五十九年

諭旨。升為宮殿。著准其恭繳。貝子毓禔府第。著賞給醇

親王居住。並賞銀十萬兩。由王自行修理。俟修竣後。再行移居。西直門內半壁街空閒府第一所。著賞給。毓橐居住。並賞銀一萬兩。修理。所賞銀兩。均由戶部發給。○十五年。欽奉。

慈禧端佑康頤昭豫莊誠皇太后懿旨。醇親王以親賢而兼重任。茲當皇帝大婚禮成。允宜再沛殊恩。益光慶典。著加賞修葺府第銀六萬兩。由戶部給發。以示優眷。

旌表節孝。○順治九年。

諭。諸王宗室覺羅內。有孝友義順及守節貞烈者。宗人

府覈實具奏。禮部題請旌表。○又定。自親王以下。至間散宗室覺羅孝友著聞。自公主福晉。以至間散宗室覺羅妻女殉節。及間散宗室覺羅妻女守節者。均由府奏請。

旌表。交禮部辦理。○十二年奏准。王以下間散宗室覺羅內。孝子。順孫。義夫。節婦。殉節婦。貞女。除已得。

誥封外。其未得。

誥封。及三十歲以下孀居。至五十歲節婦。內品行貞烈。實堪獎勵者。敘明切實情由。令其夫之兄弟。

婦之本家公同具保准其

旌表

盛京宗室覺羅妻女三十歲以下孀居至五十歲者由該處具保查與

玉牒相符由府奏請

旌表宗室覺羅妻妾自三十歲以前守節至五十歲或年未及五十而身故其守節已及十五年果係孝義兼全俱准

旌表貞女身故者無論年歲俱准

旌表○康熙二十七年奉

旨。夫亡從死。前已履行禁止。近見京城及各省從死者尚多。人命關係重大。死亡已屬堪憐。修短聽其自便。豈可妄捐身體。况輕生從死。事屬不經。若復加褒揚。恐益多推折。嗣後夫歿從死旌表之例。應行停止。自王以下。以及小民婦人從死。亦應永行嚴禁。如有必欲身殉者。赴部及該管司官陳訴。應俟奏聞定奪。著議政王貝勒大臣九卿詹事科道會同確議具奏。欽此。遵。

旨。議准。嗣後王以下以及小民夫亡從死者。停其旌表。如有必欲身殉者。令該管大臣報明禮部奏。

聞。○乾隆十年奏准。宗室覺羅妻女殉節。查無勒令
改嫁等情。雖屬輕生未遵禁令。但其捐軀殉節。
亦為可憫。應否

旌表。由府具奏請

旨。○二十一年奏准。宗室覺羅之妾。如有三十歲以
下孀居至五十歲。或親生子。或過繼子。守至成
立。以承其祀者。由該旗覈實具保。准請

旌表。無子者不准請旌。○四十二年奏准。宗室覺羅
之女。遺漏未報。無憑可查。不准

旌表。

宗室移居○乾隆四十二年

命閒散宗室移居盛京大凌河馬廠西北松山杏山地
方○嘉慶十七年

諭據松筠等奏酌擬移住盛京宗室房屋現擇於小東
門外東北里許按照健銳營規式共建仰瓦房七十
所內除五十五戶宗室居住外尚餘住房十五所等
語盛京移住宗室房屋共有七十所前經擬定移住
之宗室止有五十五戶餘房十五所日久空閒勢必
漸就剝朽現在閒散宗室內可以移往者尚多著綿
課等再公同酌擬添派十五戶共成七十戶屆期一

同派往。○十八年

諭。此次移居盛京宗室七十戶。分為三起。陸續前往。所有派往駐紮之宗室官員。必須更事之人。方足以資彈壓。著宗人府查明宗室覺羅中。曾任大員。緣事黜退者。揀選數員。帶領引見。並將其從前獲咎案由。繕寫漢字簡明節略進呈。候朕酌派二員。賞給職銜前往。俟三年期滿。如果經理妥協。另行施恩。至宗室等由京起程。既分三起。沿途自應簡派大員三人。分起管帶。著宗人府將貝勒以下。侍郎副都統以上。宗室覺羅人員。開列名單進呈。候朕簡派。以資約束。其沿

途經過地方。著直隸總督。於每起遘派同知守備各一員。護送至山海關。其山海關以外。著盛京將軍奉天府府尹。遘派文武五品官各一員。在彼接替護送。其宗室起程時。前經降旨撥給戶部另款銀一萬一千三百兩。交宗人府擬充恩賞。今據宗人府酌議。除分給車價盤費之外。每人各再賞銀十五兩。俾製行裝。著即照所請賞給。其隨往男女僕從。著即於餘贍銀八百七十餘兩內。每名口各賞給銀四兩。○又諭。嗣後宗室若再移住盛京。止將宗室之無業者移居。其家有恆產者。不必挑派。○十九年

諭宗室普庭准其減等。今回至盛京。在該處移居宗室公所。酌給房屋居住。嗣後緣事發遣宗室。其由盛京釋回者。即令回京。由吉林黑龍江釋回者。即令在盛京居住。著為令。○又

諭誠安奏盛京移住之宗室。如有祖父母父母在京病故者。請准其告假奔喪等語。所奏是從前宗人府議奏章程。於婚嫁歸葬各項。俱准給假。獨遺奔喪一條。實屬疏漏。所有移住盛京宗室。遇有祖父母父母在京病故者。俱准給假。令其奔喪。該將軍給予路票。填註限期。仍報明宗人府。事竣飭令依限回程。○二十

三年奏准

盛京移居宗室。按月給予養贍銀三兩。並按年給予地租銀二十一兩六錢。粟米二十二石。○道光五年

諭

移居宗室內告假來京。除親喪婚嫁外。俱咨明宗人府。俟覆准再給路引。並定立年限。以杜欺詐。○十年

諭

富俊等奏。移居宗室眷屬回京。分別酌擬章程一摺。所見甚是。嗣後凡有移居宗室。本身物故。實係孤孀幼子。毫無依靠者。准其扶柩回京度日。如孀婦有子。年已十八歲以上成丁者。情願扶柩回京。安葬事畢。

仍令回盛京在營房居住。○十一年奏准。獲咎改為
移居之宗室。按月給養贍銀三兩。並按年給地
租銀七兩二錢。粟米七石三斗三升三合三抄。
其隨往之子嗣。仍照尋常移居宗室之例辦理。

○二十年

諭載銓等奏。續改則例內條款。請旨定奪一摺。嗣後除
從前移居宗室。應照舊例充當族學長升任主事外。
其自嘉慶二十年以後。各項作為移居宗室之人。均
不准挑補族學長升補主事。若從前移居宗室。戶口
無多。不敷升用。其該營內彈壓移居宗室主事之缺。

並正副族學長之缺。均著以盛京久住宗室充當。即由該將軍揀選。照例補放。○又奏准發遣

盛京及吉林黑龍江宗室。由該將軍查照舊章辦理。其酌給房間。及給予房租銀兩錢文。概行裁汰。○光緒四年

諭。崇厚等奏。遵查奉省情形。在京宗室。難以再議移居。著毋庸辦理。

宗室居住外城。○嘉慶五年

諭。近聞宗室覺羅有因無自置住房。於各處浮居者。詳究其故。蓋因生齒日繁。生計不能充足。或不知節儉。

任意奢靡。以致棲身無所。因思宗室覺羅。必先須裕其生計。然後施之以教。且以宗室覺羅而致浮居。亦不成體制。著交管理宗人府王公等。會同八旗滿洲都統。查明委係無力之宗室覺羅。或擇地另建房屋。或酌量歸入八旗城外營房通融居住。覈議具奏。○

道光二十一年

諭宗人府奏酌議暫居城外宗室覺羅編查保甲章程。所議尚未盡善。現在宗室人等。住居城外。戶口較多。若概令移居城內。殊多窒礙。自應一體編查保甲。以資稽覈。惟司坊官員職分較小。儻意存容隱。不敢認

真稽查。轉致有名無實。著宗人府派委司員傳知該族學長。先行按戶曉諭。俾令靜聽編查。毋稍違抗。儻查有不安本分。或任意容留閒雜人等。即由巡城御史密呈都察院堂官。酌其情節較輕者。知照宗人府。迅即派員會同城坊查究。其情節較重者。即由都察院奏聞請旨辦理。○同治三年

諭。前因南城御史景霖等奏。宗室覺羅潛住外城。滋生弊端。當經明降諭旨。飭查究辦。並勒限遷回內城。茲據宗人府奏稱。現在居住外城之宗室覺羅。請仍照舊例。並酌擬章程。料理等語。宗室覺羅居住外城。原

屬例所不禁。惟該御史等前奏所稱。近有詭託姓名。滋生事端。不知自愛者。亦不可不嚴行查辦。嗣後居住外城之宗室覺羅等。除業經編入保甲者。仍照舊例辦理。毋庸概行遷回內城外。如有詭託姓名。潛居外城。滋生事端。不知自愛者。即著照宗人府所擬一面由該城御史。查明姓名旗分。開單知照該衙門。查傳究辦。一面由宗人府飭傳各旗族學長佐領等。勒令即時遷回內城。嚴加管束。經此次明定章程之後。僅該宗室覺羅人等。仍有未經報明城坊。編入甲冊。潛居外城滋事。怙惡不悛者。一經各該城御史查拏。

送交宗人府。即著該衙門從嚴懲辦。以肅禁令。